



25. oktober 2018

UKA2018/139

Kalaallit Nunaanni sumiiffinni amerlasuuni unammilleqatigiinneq amingarsinnaasarteq ataqqil-lugu piffissap ilaani biilnik misissuisarnissamut siunnersuusiortussanik suleqatigiisitamik suligasuartussanik ataatsimoorluni pilersitsinissaq kissaatigalugu danskit Transportministereqar-fiannut saaffiginneqqullugit Naalackersuisut peqquneqarnissaanik Inatsisartut aalajangiiffigisas-saattut siunnersuut. Forslag

(Aleqa Hammond, Nunatta Qitornai)

Demokraatit inatsisartunut ilasortaataata Steen Lyngep siunnersuutaa ilassilluarparput akuer-saarlugulu.

Naalagaaffiup akisussaaffimmini oqartussaaffimminilu nunatsinnut atuuttussat ullutsinnut tullu-arunnaarsimasut isumagineqarneralu amingartup takussutissaata ilagaa biilnik misissuisarnerup atuutsinneranut suliaq.

Naalagaaffimmit akisussaaffik suliassa qarfillu utaqqiluttitsisuusoq aammalu aqqusinermi isuman-naatsumik angallattut atortumikkut nakkutilliinikkut qulakkeerinninnissaq sillimaniarnerup anner-tuumik sumiginnarneranik nassataqartoq piaartumik aaqqiiffigineqartariaqartoq isumaqarfigalugu isumaqatiginaqaaq siunnersuutigineqartoq.

Allatuulli naalagaaffeqatigisatut pingaartinneqarluta kiinnerfigineqartussaavugut, kisiannili naala-gaaffeqatiginiakkat ilisarnaatigaat suliaq pitsanngorsagassaq ukiuni amerlasuuni kinguaattooq-qaqqaarluni tinnerarneqaaqqaarlunilu iluarsiniarneqartarnera.

Naalackersuisut ilassinnillutik akuersaarnerat qujanarpoq taakkualu transportministerimut tinner-saalluarnissaannik sulilluarnissaannillu kissaappavut ilanngullugu suleqatigiissitap suliarnik naam-massinnilluarnissaannik kissaallugit siunnersuut taama isikkoqartillugu akuersissutigineqarnissaa inassutigaarput.